

劉雲笈先生著

上卷

東方大同學案

阮明敬題



本書編訂意趣綱領

一、大同學乃人性自然本具，如克魯巴金言：『遠溯初民，都有此自然性。』本不應生

東西新舊文化之衝突。茲編爲發現人類本性，及顯出古哲與新化公同之精神，化除爭執起見。足爲五千年已死聖哲昭雪冤魂。爲今世新文化運動家多得鐵証。

二、本編乃匯輯歷史事跡，及過去各哲人學術思想。至各家文字上聚訟，若儒家今古文之爭，莊列書中真僞之辨，佛經翻譯真僞之辨，各古書字句考訂，耶教新舊約真僞之辨，如回教攻擊新舊約錯誤有四萬處之多，尙有近人疑「井田不可信」云云。本書均不理會，因自其幻者言之，宇宙本皆夢泡，何真妄之足云。今既論學術思想，不過因孔老佛耶諸名字符號，以發揮數段思想。解決社會問題。今但亟審查討究此思想之有無價值，至已死朽骨，姓孔姓劉，誰真誰僞夢中說夢，不足辨也。

三、本編匯成一書，重在比較各家，絕非直抄成書，尤不偏一教，且不偏於科哲宗教任何方面，意在鎔歐鑄亞，另具鑪錘。每一下筆，天人之故，奔會腕下，如觀法界，界界互

入。讀者若不澈底用一番苦工，只作叢書觀，聊備查考，則買櫝還珠矣。

四、遇有問題附西文原書，反正証明，並非無故牽引。特因舊書讀滑，加新科學互証，乃

深切有味。因此書要旨，在同化相反二理，使并行不悖，以達圓滿無碍解脫之域。

五、近西哲佳構極多。茲所爲託而士太克魯巴金偉而士穆麗士羅素數家，但如尼采

之超人精神，亦不可磨滅。惟須使爲大同哲人精神之助，而不偏用耳。至如克氏爲

今世界文化思想之王，舉以前哲科政教，摧枯拉朽。其互助論已公認爲「世界和平經典」，故進而以經稱之。

六、世界最大之患由于爭殺，爭殺之本，由于人好用單方治萬病。人人欲用一民族，一

宗教，一學術，或一部分權力，來統一世界，致永無相下之一日。本書遠宗希臘化

ellenize 之普遍市村直接自治主義。近用克氏全教育 Integrated Education 期

成圓文化的學村村建制。任各派公開試驗，競美而勿競殺。千花齊發，百川匯海。本

七、書絕非所謂古典主義，尤非揚宗教之餘燼。乃并用各家新估定之羣性化，結千年

來文化舊局。開二十世紀大同新運。

八、近人屢言「整理國故。」但不知如何整理法？吾以爲若東方文化不用此法整理，

惟有劣敗而已。須知今科學日進，新學之賴於舊學者少，若舊學不用新法整理，卽淘沙亦無可惜。如旣用汽船火車自來火，則獨木舟椎輪火鏹，無存在之必要，講亞化者，若不用此法，將來必淘汰無疑，可斷言者。孔佛道耶之徒，亦有悟於此乎？

九、鄙人重在「實現小康，試辦大同。」著此書後，無暇更多作文，大致綱領，略具於斯，友人張墨池曾言：『若匯諸友人實現學術，可致五百年太平。』愚言：『若用吾學術，可決保世界一千年內太平，再多則不敢必矣。』但若非中華民族憑藉雄厚，他國難有此大力量，吾此言若通西人學術益可証明，特盼志士仁人，實力協助，共造大同。

十、本書初稿，成於民國八年冬，其動機乃遺老沈子培前輩，當俄赤軍占海參威時，勸余著佛教社會主義一書，比下筆三星期，成孔老墨耶佛五卷，後居晉數年，多讀洗心社文廟圖書館西書，民國十四年，以兩月工重訂，然取材仍得原來晉圖書館讀書筆記之益，及北京松坡圖書館京師圖書館之助，特此誌謝。

十一、本書名大同學，其注意點並非專在哲學及宗教等玄理方面，乃在解決社會及人生人羣人類學等全體問題，尤與馬克司派「唯物史觀」一面相關頗切。雖亦有哲學上問題，而注重在解決物質財產，決不枉墮入舊玄學鬼窟。讀者幸注意。

十二、關於西亞方面，若印度哲學，及禪教，回教，亦有大同學之分子，供解決人類社會之材料。但可搜之書籍甚少，俟諸異日。希恕諒之。

十三、由來哲學之影響於社會，雖然不小，然不及社會科學 Sociology 之重要。如十八世紀之社會契約，二十世紀之互助論，皆根據社會學以說明人性，故影響極大。大同學乃以社會科學為主，兼含哲學歷史宗教及倫理等，故最宜用之於中學師範以上各專校。較狹義之國別歷史種族倫理，偏小之修身等科，輕重關係，有如天壤。至于小學現在已有社會自然等科，然大同學包無不盡，最宜將此書抽其精要數段，為中小學讀本，利益匪淺。

十四、本書雖云「東方大同學」，然其妙在手揮五絃，目送飛鴻，真求通解決，非但通東方化者可了，至少須于世界文化史科學史發明史進化論生物學經濟學哲學史，偏非

于一家者
故名史

美術史宗教史各國文學史等爲大綱研究。方能真通此學。

十五、昔人問蘇克雷地

Socrates其「理想國」何時可以實現？答曰：

“When one son

of a king becomes a philosopher,” 須「國王太子成一哲學家時」其希望

二千年至今尙空懸。今吾「大同學」却不敢奢望于難得少數之首領，惟希望小學

校長教習及職業家及村長副耳。蘇氏又謂其「理想國」之首領，須有哲學及武功

——長，Both in philosophy and in the arts of war. 我則希望小學校長兼村長，

與工場長三項人材，即可實現吾大同學村，我所最愛之全人教育家小學教員，及

農工場師徒村長乎！新天新地，專賴諸公，予日望之！

十六、本書內含有文化上最大問題，即退化論與進化論是。例如中國古書，百家皆稱古

代郅治，而同時又稱古代野蠻，無姓氏衣服用具等。此二大衝突不但以問經學家

史家，罕能答其所以然。即西國進化學者若斯賓塞 Spencer 尙有誤解，惟本書對

此可以完全了然。

十七、自歐戰後 Wells 偉爾士匯 100,0000,000 十萬萬年之事成世界史綱，以人與動植

等合傳，人聞乍驚而終遵信之，無敢議爲雜亂者。此書三世四運十道表，及新大同學六綱，更通十方世界玄學科學爲一，并非雜亂。

十八、此書藍本，拙著有井田考，大藏典林，動物社會心理學等書，蔓衍宏富，且未全成。然頗應用其條例，因此書最深之條例，蓋應用法華華嚴秘宗變態心理學及克氏科學也。

十九、研究大同學者應具之程度。大抵不識字者，及真博通之人，均易入門。年少在受陶冶期者亦易，最忌「守一先生言姝姝自悅。」遇此則有汪洋向若之歎，又或泛覽獺祭，不按定本書規定各家治學條例，亦格格不入。譬如山谷之人雖見輪船飛機，而不知其機關運用之法，詆爲怪物無用，却非機器之咎。

二十、仁航學殖淺陋，而志在成全體大用之業。但願高明根據中外科學經驗，詳加教正是幸。北京通信處宣外西南園三號楊蝶父，南京門窮橋樂天書館轉。

東方大同學十誠

一、孔子曰：「天下國家可均也。」「使老者所終，壯有所用，幼有所長，廢疾有所養。」

「如有用我者，其月而已可也。三年有成。」放一味偏依也「於利而行，多怨。」

二、孟子曰：「分田制祿，可坐而定，以齊王由反手也。」「七年之內，必爲政於天下矣。」

「湯以七十里，文王以百里。」

三、老子曰：「五味令人口爽，難得之貨，令人行妨。」碍也多藏必厚亡，既以爲人已愈有，

既以與人已愈多。」

四、莊子曰：「許由曰：予適有幽憂之疾，方且治之，未暇治天下也。」「富而使人分之，

何懼之有。」盜跖曰：分均，仁也。」

五、楊子曰：「雖全生身，不可有其身，雖不去物，不可有其物。」「生相憐，死相捐。物我

兼利，古之道也。」

六、許行曰：賢者與民并耕而食，饗殮而治。」

七、墨子曰：量腹而食，度身而衣。」「摩頂放也，至踵也，足跟也。」利天下爲之。」

八、司馬遷曰：「夫緩急人所時有也。」荆軻易水歌曰：風蕭蕭兮易水寒，壯士一去

兮不復還。」

九、

耶蘇曰：「貧窮飢餓的人有福了，因為你必要為飽足。富貴安樂的人，有禍了，因為你已經得安樂？你把家產都賣了，周濟貧人，還要背著十字架，跟我傳道，必受福百倍。」

十、

佛偈：梵王太子白雙親，財寶將來施與貧。水火盜賊與惡子，王家有份盡來分。吝財人入惡鬼門，施主金剛不壞身。捨家成佛道，在家衆過本。」下施國城妻子，中施頭目腦髓，上施成佛身。」

東方大同學案總序

生化由來，邈矣悠哉！變動不居，巧歷難知，豈拘墟一隅者所可斷言哉？比者新潮起，世界震，而俄國與我西北東三面毗連，已完全成爲「共產政府」，成立蘇維埃憲法廢錢幣者數年矣。吾國守舊之徒，驚詫咋舌，奔走相告。好新少年乃益擲揄聳動之，相持愈急，各走極端，吾恐非人民之福也。今試爲易一說曰：「社會主義」非理想而歷史事實也。大同世界非歐化而亞化固有也。均平制產，非擾亂者之捏造，而聖賢經世之憲典也。斯聞者無以難疑者，渙然釋矣。乃爲博考經典，廣徵諸教，舉世界賢哲聖佛，約得六家，曰孔、老、楊、墨、耶、佛，皆數千年前之大哲。世人所久信任其言，爲真實不誣者也。今以大同社會眼光，抽繹古代之經義，則如數家珍，俯拾卽是。——原書俱在，三尺童子所幼誦習，毫非牽強塗飾。于以印証歐化，如二五之于十，非故爲新國家樹之輿援，實爲中國文化史增其榮譽。語其淺，「有王者起，必來取法。」——語其深，人皆堯舜衆生皆成佛。所謂國粹，所謂東方化，惟此足當之矣。自有此而千萬年之賢哲聖佛，均如日重光，如月再圓，確証中華爲世界文化先進國。不僅中國之幸，亦世界文化歷史公案，全球學者所應數典不忘，爭先研究，尤人類所應普遍發

揚羣衆歌詠舞蹈者矣。凡此各家，皆在亞洲，故名爲亞化，可與後進之歐化相提携，而改造莊嚴世界焉。與所謂法國式俄國式者併論，此可謂中華式「中華化」矣。

特各教真義，均爲千年傳教者埋沒，孔沒于鄉愿及梟雄君主，道沒于清談，耶沒于專制之神父及教會，佛沒于多數愚腐僧侶。致各教不能促人羣進化，徒助長軍閥財閥惡焰，乃招近來反對宗教大同盟。雖然，淘沙揀金，披榛采蘭，各教固有本來面目。今若用科學分析法，則孔孟詳于制度，有極完備之歷史憲典可考，爲世界最有價值之公產制。楊之「憐生哲學」，兼利經濟學極精，與歐化最近。墨子勇毅長于羣衆運動，其徒皆可赴火蹈刃，開爲全民運動先河。耶蘇真義，在建設惟愛社會以代政府，而爲犧牲實行家，世所共認也。佛老若善取其精神乎，則老莊超妙，長于談大同玄理，人生哲學，渺渺乎如聞天樂而醉瓊漿，幾忘下土。佛則千門萬戶，慈雲廣覆三千大千世界，視衆生如父母子女，願力神通不可思議矣。若以老莊之智，佛之仁，耶墨之勇，行孔孟之制作，運用歐化發明之機械物質，建設楊之「憐生社會」，文以美樂藝術，則十年而中國定，二十年而亞洲安，三十年而天下平，人性善，地天通，惟吾華民族之衆，文化之高。在今世界能推行萬國也。即斷而小之，地方人士

能應用大同經濟學，以奮鬪精神，勉從事建設大同新村新市新縣于各地，積小成多，先難後獲。數十年以往，大地黃金，世成樂園，彌勒下生，有願非虛耳。以今日科學大明，若用于創作養人物質，除去殺人機器制度，朝操半日勞工，夕享鈞天廣樂，此等幸福，仁航一人敢具結包辦也。妙法經佛言，『咄哉丈夫，何爲衣食乃至如是？我昔欲令汝得安樂，五欲自恣，以無價寶珠，繫汝衣裏，今故現在，而汝不知，勤苦憂惱，以求自活，甚爲痴也。』無論富貴貧賤，不通聖賢仙佛憐生同樂之經濟學，而日以妄競殺傷，窮苦憔悴，狂叫哀號，慘怛無告，如今世界上自偉人，下至乞丐者，可不謂痴乎？可不謂大愚而人類之奇恥乎？

各家論道，自以佛爲最高，因所講不盡人道也。老莊次之，楊次之，耶又次之，孔墨以下，皆人道也。若揖讓一堂，而實行文化運動，則孔子爲總統，老子爲國師，楊爲財政總長，耶爲司令，墨爲先鋒，俠爲炸彈隊，佛則天人師也。又各教推行，除楊重憐生，末流僅成爲力食之無君派，天民外，餘皆須有護法，一正一變，方可實現。孔子以堯舜爲正，湯武爲變，故孟子極贊湯武者，欲倡革命王天下也。墨子以俠爲護法，老莊以盜跖爲護法，若曰：汝不信吾言，必待盜跖之大革命，而後吾言驗耳。盜跖非他，乃清聖柳下惠之弟，孔子所爲詞窮者也。耶蘇之教，

本非自創，而祖述摩西，摩西乃兵家，本身自爲護法者，耶蘇無護法，惟有自犧牲耳。佛之護法，當時有十六國王，教義中爲金剛神與地獄，皆組織上必不可缺者，蓋「圖窮而匕首現」，與今講社會主義者之終于勞兵，亦勢使然也。湯武稱仁矣，而何其血之流杵！佛耶大愛矣，何爲有地獄審判？因果業報成熟，雖湯武之賢，耶佛之仁，不惟不能救，且誅戮而審判之，法爾如此。同胞乎！今將語「歐化」乎？則或以爲誑言，聖賢仙佛，言無虛妄，其亦深思此哉！「亞化」雖張護法之義，除湯武外，究不過從出世法理論上解決，如「歐化」之眞用力爭殺者少，此「亞化」特長，在發明出世法，使人覺悟，揖讓自決，卽所謂無抵抗主義，乃眞文化運動而不用武也。是故盧梭列寧不出於亞洲，佛不出於歐洲。其短在此，其長亦在此。其長在此，其短亦在此。雖然，今世界大通萬國一堂，東西思潮交流，將來亞化出世法西行，西方之兵禍或減少，歐化平權法東來，東方之兵爭必日增，可斷言也。至其爲禍爲福，則各有利害，難一言斷。要欲世界大同，必須以出世之心，行平權之法，所謂「仙佛其心，金剛其手」，有天下而不與，乃眞解決。不然，如今二千年來，時時「血流漂杵」，徒使衆生入枉死城耳。然則爲亞歐衆生慮，爲集成文化計，將若之何？曰：譬治骨角，歐化長於切，而亞化長於磋。譬

治玉石，歐化長於琢，而亞化長於磨。卽歐化之長，從革命上爭自由，而亞化之長從精神哲理上澈悟也。今文化大同，吾希望歐人革命以後，亦大采亞化之出世解脫。而吾亞人，除好爲消極哲理解脫外，仍行菩薩道積極以爭平權自由。方可造成地上天國，「東方淨土」，同歸大解脫，不然，區區個人解脫，亦屬無濟，況非眞解脫乎？
嗚呼！大劫至矣，因果速矣，吾乃佛徒，憫念劫運因果之數，雖知其業報難逃，仍願有智慧者早自覺悟。不待強迫自己布施，速建聖賢仙佛之大同村市，以早免於禍。此區區提倡亞化不忍之仁術耳。噫！衆生衆生，其自擇之！

若夫本書之究竟目的，依然超世之正法眼藏。大同公產云云，乃爲此間衆生說法之方便，進化之一過程。決不足以圓滿人性。夫大同尙爲不足圓滿人性之粗跡，何況以下者乎？惟大同雖粗，然不得已，入門第一步非講大同不可，且非實現小康而普試辦大同不可。此世界化趨勢，又決非數輩野狐禪所夢見也。

中華民國九年冬劉仁航序於上海法界樂天修養館



文言白話 東方大同學案目錄

一 釋太虛序

二 本書編訂意趣綱領

三 東方大同學十誠

四 東方大同學案總序

孔孟大同小康學案序第一

孔孟大同小康學案卷一

釋名第一

一，釋新，夏殷周貢助徹表一，新精神，新物質，新組織法。二，釋自，三釋治，四自治之鼻祖與究竟，八哲人之意見。

均平第二

一，平權 二，均利。

公權第三

一，無費住宅權。二，無費受田權。孔孟說壞政府比猛獸還利害。三，成家娶妻生子權。四，穿綢食肉權。五，養老權。四代養老按年有差表二，儒家的小無常觀。六，

喪死葬埋材用權。七，公有山林花園權。八，工商免關釐房租權。九，公共食魚權。十，窮民

殘廢公養權。十一，及時男女無禁權，附蘇聯婚姻制度。十二，自治民兵守望權，顏學及回教

村之亟要，託氏克氏之異點。十三，國民參政集會議事權，鄉校主張輿論之古制。十四，刑罰

公判權。十五，公同入學升學權 三代男女教育小史。十六，凶荒殺用通財均食權，耶墨與舜

之放四凶。十七，公共醫藥免費權，國務總理與犬馬病院。十八，公共游歷食宿免費權。十九

，樂舞同樂大會權 養魂原理，中國歷代古樂表三。

征誅第四

(二十)，人民革命大權，湯伊尹革命的原理，武王革命後的辦法，非行公田民生主義稱不起革命。附日本無產政黨大會，國粹與國粹。

罪戰第五

止戈爲武，善戰之民賊，公羊春秋疾火攻，誅滅國。

小康建設第六

一，公羊傳宣十五年何休注，今日不能行公田之謬說。穀梁說，二，通典述春秋之義。三，周禮大司徒井田制，井田制十圖。一二三四五六七八九十。四，

漢書食貨志受田論五，公田注意之四要件。六，董仲舒言與王莽令，井田十一法表四，歐

洲主土地國有說六家。七俄國新憲法與孔孟井田學說對證 馬丁Marling論中國古代共產制。

八，方里之要與幾何學。九，祿田與井耕說，孟子與大同派之論戰。十，井田可法，封建決不可法。

小建設第七

一，孟子小建設計劃。二，孔門小建設計劃，孔子注意鄉村化。三，宋張子買田一方法與新村，鄭玄朱邑顧炎武之鄉治，送王尚賢作區長詩。四，孔子之殖民關

地思想，與徐福關日本及今之華僑，Wells 說明華人關澳洲。

今日小建設第一步第八

一，孫中山自治開始實行法。二，山西洗心社公平制度計劃。三，行四強法。四，處置遺產法，五。佛門發願布施法。

大同揖讓第九

一，黜霸。二，述王。三，宗帝。霸王帝字訓詰的真義與謬解，讓是中華的真國粹，四，貴讓避爭，Kropotkin 克氏動物避爭五要例。五，刑措，六，天下

一家。七，飲食男女乃大同世法，孔老楊告四家一致。八，孔子大同句解，師徒二人散步引出